




ՀՈՐԵԼՅԱՆԱԿԱՆ ԽԱՉՔԱՐԻ ԲԱՑՈՒՄ ՎԵՀԱՐԱՆԻ ԲԱԿՈՒՄ

Սեպտեմբերի 30-ին, հինգշաբթի օրը, Վեհափառ Հայրապետը Վեհարանում ընդունեց թեմակալ առաջնորդների, հայ հոգևորականության, թեմերի պատգամավորների և բազում ուխտավորների խմբական այցելությունը:

Վեհարանը ճշմարտապես վերածվել էր ուխտավայրի. գալիս էին բոլորը՝ հոգևորական թե աշխարհական, ծեր թե երիտասարդ, մտավորական թե պարզ աշխատավոր՝ աջահամբույրով ստանալու Հայոց Հայրապետի օրհնությունները և լսելու Նրա ոգեշունչ պատգամները: Այս երևույթը կըրկնվեց մի ամբողջ շաբաթ:

Սեպտեմբերի 30-ին, ժամը 13-ին, Հայոց Հայրապետի նախագահությամբ և ի ներկայության ողջ հայ հոգևորականության, պատգամավորների, ուխտավորների և հյուրերի, աղոթքով ու օրհնությամբ կատարվեց Վեհարանի բակում կանգնեցված Նորին Սրբության գահակալության քսանամյակին նվիրված հորեյանական խաչքարի հանդիսավոր բացումը: Այս առթիվ հանդիսության բացման խանդավառ խոսքով հանդես եկավ լուսարարապետ տ. Հուսիկ եպս. Սանթրույանը:

Խաչքարային արվեստին հատուկ հայկական գեղեցիկ զարդանախշերով քանդակված սույն խաչքարի հեղինակն է քանդակագործ Արտաշես Հովսեփյանը, իսկ քանդակագործական աշխատանքները կատարել է Հրաչյա Ստեփանյանը: Հորեյանական խաչքարի վրա փորագրված է հետևյալ արձանագրությունը՝ հայկական գեղեցիկ երկսթազի տառերով.

Կանգնեցաւ խաչքարս ի մշանաորումս քսան ամաց վաստակոցն Տ. Տ. Վազգէն Ա. կաթողիկոսին Ամենայն Հայոց: Ս. Էջմիածին, ՌՆԻԵ:

Հորեյանական խաչքարի բացումից հետո բոլոր հյուրերն առաջնորդվեցին Վեհարանի երկրորդ հարկի դահլիճ՝ դիտելու գեղարվեստական



ՀՈՐԵՆՅԱՆԿԱՆ ԽԱՉԳԱՐԸ

բարձր ճաշակով հորինված հայոց Մեսրոպյան այրուքենի ոսկեգիր քանդակազարդ տառերը, որոնք Հայոց Հայրապետի առաջադրանքով ու պատվերով պատրաստվել էին Նրա հորեկլանի առթիվ՝ որպես նվեր Մայր Աթոռին:

Սույն քանդակազարդ տառերի գծագրության հեղինակը եղել է Մայր Աթոռին առընթեր ճարտարապետների հանձնաժողովի անդամ ճարտարապետ Բաղդասար Արզումանյանը, իսկ ոսկերչական աշխատանքները կատարել է ոսկերիչ Ժիրայր Չուլոյանը:

Բոլոր ներկաները հիացնումքով և երախտագիտական զգացմունքներով դիտեցին հայ ոսկերչական արվեստի այս ինքնատիպ ստեղծագործությունը:

